

Universitätsbibliothek Wuppertal

C. Cornelii Taciti Opera Qvæ Exstant

Tacitus, Cornelius

Antverpiae, 1668

Widmungsbrief (an Albrecht VII. von Habsburg)

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1742](https://nbn-resolving.org/urn:nbn:de:hbz:468-1-1742)

SERENISS^{MO} ET POTENTISS^{MO}

A L B E R T O

A R C H I D V C I A V S T R I Æ,

B V R G V N D I Æ D V C I,

PRINCIPI AC DOMINO BELGARVM.



VPREMÆ industriæ & vltimæ tandem curæ CORNELIVM suum, SER^{ME}, inter viuos adhuc LIPSIVS tuus, vti dare cœperat, ita voto pariter ac voce SERENITATI TVÆ consecrabat. meritissimò. MAXIMO ET OPT. SVO PRINCIPI, magnum, æternúmque auctorem. Talem enim omnes hunc iudicant, & quem solum Maiestati suæ parem Romana vetustas habuit; quem omnia proculcantium barbarorum adhuc mitis sæuities, ideò pænè seruasse videtur, vt quantum bonum tot supra nos sæculis negauerit, æmulâ apud posteros testatione profiteretur. Nec alia profectò quàm se vrgentis fati inuidia, lacerum, ægrum, inualidúmque TACITVM protulisset, & nulli magis rei quàm medicinæ obnoxium; vt dum multis simul remediis interficeretur, adiuuantium iniuriâ periisse potiùs, quàm tenebrarum exitio, existimaretur. Parum itaque interfuisset, hunc Historicum principem postliminiâ natiuitate in lucem non prodiisse, aut LIPSIVM non vixisse, cùm

Non

* 2

vtrius-

vtriusque sortis sic ratio constet, alterum alteri in se ipso ad sanitatem, ad æternitatem profuisse. Maiorum igitur ævo, sed totius humani generis BONO, è tenebris scriptor iste emerferat: verùm in istam quam vides, DOMINE, valetudinem splendorémque, accuratâ LIPSIANI ingenij curatione reffloruit. Nec semel, vnâque operâ summum virum hoc elaborasse scimus, & nisi per gradus in istud humanæ prudentiæ culmen euasisse, omnibus constat. Sic ij solent qui ad alta & ardua eunt, retractuum ordines moderatè sequi, non cursu fatigari; iam fessum & anhelantem spiritum morâ recipere, fessione recuperare. Nisi multo labore maxima perficiuntur; & qui tristissimi sæculi succurrere fortunæ, qui totius posteritatis perficere prudentiam scriptor poterat, hunc nisi vitæ suæ annis, & iugi procedentis ætatis sollicitudine, producere LIPSIVS & hominibus assignare debuit. Fecit & perfecit, SER^{ME}; maximúmque imperij & magnitudinis tuæ momentum, talis, tantúsque TACITVS semper censebitur. Cui gloriæ, sanè non inferiori gratiâ, per omnem futuri temporis memoriam, monumentum tale subscribetur:

ALBERTO ET ISABELLA OPT. ET MAX. BELGARVM PRINCIPIBVS,
IVSTVS LIPSIVS

OMNI DOCTRINA SAPIENTIAQ. VIR EMINENTISSIMVS,

ADVERSISSIMIS LICET TEMPORIBVS,

GRATIA VALVIT, DIGNITATE EFFVLST:

NEC SINE MAXIMORVM ETIAM DOMINORVM LACRYMIS,

TOTIVSQ. EVROPÆ CVM GEMITV SVSPIRIISQ.

VIVERE INTER MORTALES VITAM DESIIT.

Non

Non ceteris virtutibus tuis, O MAXIME PRINCEPS,
inuidiam facio. Pietas, Iustitia, Magnanimitas, Clemen-
tia, aliæque cælestes dotes, cælo iterùm debentur. tantùm
inter mortales, immortalitatem prouehere, & narrare
posteris ingenia possunt. Foue, faue

O PATER, Ô PRINCEPS, Ô SANGVEN DIS ORIVNDVM.

IUSTI LIPSI mentem & manum,
pari tantùm pietate, expressi

SERTI VESTRÆ

æternùm deuotus

Ioannes VVouerius Antuerpiensis.